

«Համագումարների կենտրոնի կառուցում»
 ԾՐԱԳԻՐ

1.	Ծրագրի նպատակը	Ծրագրի շրջանակներում նախատեսվում է կառուցել մեկ հարկանի ժամանակակից միջազգային ամենաբարձր ստանդարտներին համապատասխան համագումարների կենտրոն: Ընդհանուր կառուցապատման մակերեսը կազմում է մոտ 2,500 ք/մ և այն իր տեսակի մեջ աննախադեպ շինություն է լինելու տարածաշրջանում, համալրելով ՔՈԱՖ ՍՄԱՐԹ ավանը Լոռիում: Հիմնադրամը արդեն ունի նման օրինակ շինությունների կառուցման փորձ և անկասկած համագումարների ժամանակակից այս կենտրոնը չի զիջելու արդեն իսկ գործող ՔՈԱՖ ՍՄԱՐԹ կենտրոնին և ավանի մաս կազմող Կոնցեպտ հյուրանոցին: Համագումարների կենտրոնը միջոցառումների ընթացքում կարող է հյուրընկալել միառժամանակ մինչև 200 մարդ՝ հնարավորություն ստեղծելով տարածաշրջանում իրականացնել միաջազգային ամենաբարձր մակարդակի միջոցառումներ: Կենտրոնը զուգահեռաբար կօգտագործվի տարածաշրջանի և նրա բնակիչների բազմակողմանի զարգացման նպատակով ներառյալ ամառային դպրոցների, տարածաշրջանային քննարկումների և տարածաշրջանի համար այլ կարևոր միջոցառումների համար: Կենտրոնի ճարտարապետությունը համապատասխանելու է 21-րդ դարի լավագույն փորձին և այն հազեցած է լինելու բարձր տեխնոլոգիաների ամենավերջին ձեռքբերումներով: Հիմնադրամը արդեն իսկ ունի պայմանավորվածություններ մի շարք միջազգային և տեղական կառույցների հետ, որոնք հայտնել են իրենց պատրաստակամությունը օգտագործելու կենտրոնը բարձր մակարդակի համաժողովների և միջոցառումների համար՝ այն պատրաստ լինելուն պես:
2.	Ծրագրի բարեգործական որակման նպատակը	Նախատեսվում է ծրագրի շրջանակներում օրենքով սահմանված կարգով օգտվել ՀՀ հարկերի, տուրքերի, պարտադիր վճարների գծով՝ օրենքով սահմանված արտոնություններից:
3.	Բարեգործը	«Չիլդրեն Օֆ Արմենիա ֆանդ Ինք.», Նյու Յորք, ԱՄՆ, 149 5րդ ավենյու, սենյակ 500 (Children of Armenia Fund Inc. 149 5th Ave., Suite 500, New York 10010, USA.) և դոկտոր Գարո Հ. Արմենը:

4.	Ծրագիրը կատարողը	«Հայաստանի մանուկներ» բարեգործական հիմնադրամ (ՀՀ քաղ. Երևան 0010, Մելիք Ադամյան 2/2, ՀՎՀՀ՝ 02569972):
5.	Ծրագրի իրականացման վայրը և բնագավառը	ՀՀ Լոռու մարզ, Դեբետ համայնք, համայնքային զարգացում
6.	Ծրագրի բյուջեն	Ծրագրի ընդհանուր բյուջեն կազմում է 1,950,000,000 (մեկ միլիարդ ինը հարյուր հիսուն միլիոն) ՀՀ դրամ:
7.	Բարեգործություն ստացողը	ՀՀ Լոռու մարզի Դեբետ համայնքը:
8.	Ծրագրի իրականացման տևողությունը	2020 թվականի մարտի 1-ից մինչև 2023 թվականի դեկտեմբերի 30-ը:
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	<ul style="list-style-type: none"> • Համագումարների կենտրոնի կառուցման ընդհանուր շինարարական, ներքին հարդարման աշխատանքներ՝ 505,209,411 ՀՀ դրամ արժողությամբ, նախատեսվում է իրականացնել 2021 թվականի հուլիսի 1-ից մինչև 2023 թվականի հուլիսի 1-ը: • Ձեռուցման, օդափոխության և օդորակման աշխատանքներ՝ 118,240,343 ՀՀ դրամ, նախատեսվում է իրականացնել 2022 թվականի հուլիսի 1-ից մինչև 2023 թվականի հուլիսի 1-ը: • Ջրամատակարարման համակարգի և կոյուղու համակարգերի շինաշխատանքներ՝ 24,122,064 ՀՀ դրամ, նախատեսվում է իրականացնել 2021 թվականի հուլիսի 1-ից մինչև 2023 թվականի հուլիսի 1-ը: • Էլեկտրամատակարարման և լուսավորության համակարգերի ձեռքբերում, մոնտաժում և շինաշխատանքներ՝ 87,885,879 ՀՀ դրամ, նախատեսվում է իրականացնել 2022 թվականի փետրվարի 1-ից մինչև 2023 թվականի հուլիսի 1-ը: • Ցածր լարման համակարգի մոնտաժում՝ 18,870,000 ՀՀ դրամ, նախատեսվում է իրականացնել 2022 թվականի հոկտեմբերի 1-ից մինչև 2023 թվականի հուլիսի 1-ը: • Կոնստրուկտորական մասի աշխատանքներ՝ 308,937,957 ՀՀ դրամ, նախատեսվում է իրականացնել 2021 թվականի հուլիսի 1-ից մինչև 2022 թվականի մարտի 1-ը:

		<ul style="list-style-type: none"> • Ճարտարապետական նախագծում՝ 326,071,771 ՀՀ դրամ, նախատեսվում է իրականացնել 2020 թվականի հուլիսի 1-ից մինչև 2021 թվականի դեկտեմբերի 1-ը: • Խոհանոցային պարագաների ձեռքբերում՝ 21,500,000 ՀՀ դրամ, նախատեսվում է իրականացնել 2023 թվականի մարտի 1-ից մինչև 2023 թվականի հոկտեմբերի 30-ը: • Արտաքին բարեկարգման աշխատանքներ՝ 14,162,575 ՀՀ դրամ, նախատեսվում է իրականացնել 2023 թվականի հունիսի 1-ից մինչև 2023 թվականի նոյեմբերի 1-ը: • Անվտանգության համակարգերի նախագծման, կառուցման ու սարքավորումների մոնտաժման աշխատանքներ՝ 25,000,000 ՀՀ դրամ արժողությամբ, նախատեսվում է իրականացնել 2022 թվականի ապրիլի 1-ից մինչև 2023 թվականի հոկտեմբերի 31-ը: • Կահույքի, երաժշտական համակարգի, ֆոտովոլտային կայանների, ձայնային և լուսատեխնիկական համակարգերի, թարգմանչական սարքավորումների և այլ անհրաժեշտ նյութերի ու պարագաների ձեռքբերման և մոնտաժման աշխատանքների իրականացում՝ 500,000,000 ՀՀ դրամ, նախատեսվում է իրականացնել 2022 թվականի հոկտեմբերի 1-ից մինչև 2023 թվականի նոյեմբերի 30-ը:
10.	<p>Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը</p>	<ul style="list-style-type: none"> • Ծրագրի շրջանակներում նախատեսվում է բարեգործական բեռների ներմուծում 250,000,000 ՀՀ դրամի շրջանակներում մասնավորապես ձայնային և լուսատեխնիկական համակարգեր, թարգմանչական սարքավորումներ, բարձրախոսներ, խոսափողներ, երաժշտական գործիքներ, երաժշտական մասնագիտական բաղադրիչ տարեր, կահույք, գրքեր, կենցաղային տեխնիկա, շինարարական նյութեր, արևային պանելներ, ֆոտովոլտային կայաններ և այլն: • Ծրագրի շրջանակներում նախատեսվում է ՀՀ տարածքում ձեռք բերել ջեռուցման կաթսա, խողովակներ, մալուխներ, լույսեր, լուսատուներ, խոհանոցային կահույք և սարքավորումներ և կահույք 229,500,000 ՀՀ դրամի: • Ծրագրի շրջանակներում նախատեսվում է կնքել պայմանագրեր կապալառուների հետ՝ նախագծային, շինարարական, հսկողական աշխատանքների կատարման և փորձագետների մասնագիտական վերահսկողական ծառայությունների ձեռքբերման համար 1,470,500,000 ՀՀ դրամի շրջանակներում, մասնավորապես կառուցվող շինության ներքին հարդարման աշխատանքների, արտաքին ինժինեռական ցանցերի, բարեկարգման աշխատանքների, տեխնիկական վերազինման և այլ

		ծառայությունների համար, որոնք իրական նշանակություն ունեն ծրագրի ամբողջական կատարման համար:
11.	Ծրագրի իրականացման հետ կապված կազմակերպական ծախսերը	Կազմակերպական ծախսեր նախատեսված չեն:
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Նախատեսվում է համագործակցել Հայաստանի Հանրապետության կառավարության, Լոռու մարզպետարանի և Դեբեդի համայնքապետարանի հետ:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով կներկայացվեն տեղեկություններ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏԻ ՊԱՇՏՈՆԱԿԱՏԱՐ

Տ. ԱՎԻՆՅԱՆ